

ORAN SUGRAIDH, LE OIG'EAR D'A LEANNEAN.

LWINNEAG.

*Hòrinn ò gur mi tha tùrsach,
Thriall mo mhànràn, d'fhag mo lùgh mi,
Cha n'eil cail agam gu sùgradh,
Gus a faic mi ruin mo chèille.*

'S truagh nach robh mo chalag ghreannear,
Mar rium fein fo' sgè nu'm beanntaibh,
Far am biodh a chuthag Shàmbruidh,
Seinn sa ghleann an am dhuinn èridh.

Hòrinn ò, &c.

Laidhinn oidch' sa choill ri ceò leat,
Far na cluinneadh Goill ar còradh,
Barrach na'n crann ga nar còdach,
Gus an eireadh dèd na grein' oirn.

Hòrinn ò, &c.

Bheirinn ruaig a bhuainn na'n cnò' leat,
(A ghuanag a-ghluasaid mhòdhair)
Far am bidh coilleach na smedraich,
Cuir fàillt' air an lò sna gèugan.

Hòrinn ò, &c.

Tha do ghruaidh mar shnuadh nan ròsan,
Cha chuir sin ort uail no mor-chuis,
Ged is gil' thu *Luidh* na'n t-òinean,
'S na cannach na'n lòn sa'chèitean.

Hòrinn ò, &c.

Tha thu àoidheil, caoimhneil, càirdeil,
Gun ghiomh, gun uabhar, gun àrdan,
Ge do fhuair mi' measg na gràisg thu,
Bhiodh san t-saile tarruing èisg as.

Hòrinn ò, &c.

B'e mo mhiann a's trian de m'àileas,
Teannadh dian ri bial do mhànrain,
Cha n'eil ciall, no rian, nach fàg mi,
Mar a tar mi bho'na Chlèir thu.

Hòrinn ò, &c.

Ge do gheibhin nigh'n a Bhàilidh,
Mar ri buala do chrodh dàire,
'S mor gu'm b'anns' thu fèin a MHAIRI,
O'n a tha do chàil chò cèutach!

Hòrinn ò, &c.

'S trom mo chrìdh' an diugh ga t-fhàgal,
Aig na Gallaich b'e mo chàs e,
'S nach earbainn thu ri mo bhrathair,
Ga ē maç mo mhathar fein ē.

Hòrinn ò, &c.

Ge do tha mi nise triall bh'uat,
Air m'fhacal cha be mo mhiann e,
B'fhearr leam thu no nighean Iarla,
Gu'n dad ga do dhion ach leine!

Hòrinn ò, &c.

Ach a rùin cha doir mi fuath dhut,
A dhain'èin na their an sluagh rium,
Ge do thogadh iad ort tuaileas,
Their mise gur buaitheam brèig e.

Hòrinn ò, &c.

Ge do tha mi falbh am bliadhna,
Thig mi'n ath-bhlià'na ga t-iarraidh,
Ach a ruin bidh thu-sa dìoneach—
'S na doir' iasad a d'fhear fèumach.

Hòrinn ò, &c.

Bìdh mi co'-dhunadh an òrain,
Ma's deann mi " teaghair do rōineig,"
Air eagal ma their mi corr,
Gu sòal an slògh nach eil sin bèusach.

*Hòrinn ò cha n'èil mi tùrsach,
Thainig mo lynn-tadh as ùr mi.
'S mi—nach càidil fo' smùirean,
On a tha thu rùin da m' èisdeachd.*

CRIOCH.